

欽定剿平三省邪匪方略

欽定剿平三省邪匪方略正編卷五十五

丁巳年

十一月初一日

丙寅

額勒登保福寧奏言

臣

等於

初六日督同綸布春富森布豐紳楊遇春多福等緊蹣賊蹤行抵蒿壩該處左一帶江之南岸係通四川夔州府及雲陽縣路徑先經派令張廷彥慶溥帶兵截剿右一帶通利川縣城派令關騰帶兵截剿賊匪亡命奔逃初八日官兵追

至堡子嶺羅塘灣山勢甚陡賊匪仍敢於嶺上
集衆抗拒豐紳烏爾呼諾楊遇春張持李錫命
多福等首先搶撲斃賊甚多三更後賊潰奔石
龍壩罐子山等處臣等連日分路夾擊十一日
賊匪又竄回利川縣之檀門坳磨刀溪正在四
散煮飯官兵猝至到處斬戮是日關麟帶兵亦
繞至磨刀溪之右大梁子雷打坪等處竄出之

賊經兵勇殺戮亦多餘賊又竄至七里溝佔據
隘口該處山峯陡削時已昏黑官兵祇可暫駐
十三日五鼓臣等一面進擊一面派令綸布春
關騰等分頭覓道抄出七里溝午後聞隔山鎗
聲甚緊遂督令巴圖魯侍衛將領等盡力攻撲
搶上隘口從上下壓竄下之賊又經綸布春等
截擊統計殺賊六七百名生擒騎馬執旗之賊

黃振谷曹文來二名又周道富等四十一名訊據供稱林之華死後覃加耀商量原要到夔州雲陽一路搶船渡江與四川教匪合夥聞到處俱有官兵又被追緊急晝夜趲行昨日逃到七里溝因有隘口可以阻隔官兵隨分爲三股第一股有一千餘人已經覃加耀隨帶先走中一股男婦二千餘人留我等八九百人在後堵擋

官兵覃加耀現在不知去向等語別無要供當
將各該犯分別凌遲正法卽督兵連夜追賊十
四十五日由萬縣之龍角壩大龍溪川竹塘尖
山子追殺賊匪男婦三百餘人賊又從小溪溝
四渡河走馬嶺一帶逃竄查走馬嶺下池壩係
四川萬縣地界過此則漸近石砭驢地方惟有
鼓勵將士趕緊圍剿務將覃加耀擒獲此次打

仗把總何應明身受矛傷陣亡千總劉秉陽受傷甚重兵勇亦間有傷亡查明咨部

同日惠齡富成奏言

臣

等前在雙河塘將賊匪

痛殲後賊卽向西南山內分竄該處可通紫陽石泉西鄉漢中等處離漢江口岸不遠揣度賊情欲牽綴官兵引入大山以便乘隙逸出偷渡

臣

等現有官兵僅三千餘名若分股兜剿非特

兵力單薄且恐一入深山鞭長莫及連日在南
岸山內趕緊兜截於芭蕉口許家河周家壩等
處殺賊八九十人及二三百人不等並拿獲冒
充鄉勇之奸細嵇世華蔡發貴二名據供王廷
詔等因官兵攔剿嚴緊不能乘空渡河想從紫
陽前竄等語臣等隨抄紫陽溝近路馳至縣城
賊匪正遣其探馬於江岸窺伺一見官兵卽行

西竄經官兵趕上殺斃一面探得在前之賊已將入石泉界內而南竄一股亦已接續前逃盡向北路而去

臣

等卽由紫陽渡過北岸星夜遄

行十九日將抵石泉縣治望見南岸男女成羣求渡其北岸居民亦甚驚慌旋據該縣高監珍迎來面稟探得賊匪現在縣屬之繪溪桐車壩梅湖等處焚掠離縣治約四五十里居民盡向

漢江北岸而逃該縣現有秦承恩撥來兵勇二百名柯藩派來官兵五十名其淺灘七處均係派撥鄉勇把守等語是該縣已屬兵單而各卡鄉勇更不足恃_且等隨派妥員會同該縣查明實係避難民人卽時渡過北岸好爲安撫一面令副將李紹祖帶兵五百名馳赴上游最淺之紅石灘等處嚴行堵截一面知會柯藩速卽派

兵分赴下遊梅湖等處加意查巡旋據李紹祖
報稱二十一日賊匪七八百人由繪溪一帶乘
霧前來騎馬下水直向紅石灘淺處搶渡隨卽
施放鎗破擊斃十數人賊始退回南岸山內等
語現在_臣等分帶將弁於近縣各水淺要口酌
量安兵節節嚴防民情實已鎮定_臣等現接明
亮等來咨已令恒瑞慶成帶兵馳往漢中一帶

堵剿並接恒瑞等來信現已馳抵渭門路途稍
遠未能卽時趕到誠恐兩路官兵尚未會合之
前賊匪得以乘間遁逸此時自應嚴行攔截偷
渡賊匪將各賊逼歸一處約計恒瑞慶成等已
抵漢中分防稍定臣等卽時渡江緊躡賊蹤竭
力追剿俾賊匪無從躲避以收前後夾攻之益
均奏入

上命軍機大臣傳諭額勒登保惠齡福寧秦承恩曰
額勒登保等帶領官兵不下七八千人以之截剿
敗竄賊匪有何難辦乃至今未將覃加耀擒獲此
次在堡子嶺檀門坳七里溝等處殺賊並不爲多
十四十五日由葛縣追賊仍任其從小溪溝一帶
逃竄可見此二日內額勒登保等並未緊躡賊蹤
又復予賊以暇可謂無能已極尚稱晝夜行走緊

追逆犯全係空言支飾似此遲延怠玩一籌莫展
尚復覲顏陳奏額勒登保福寧俱著傳旨嚴行申
飭若再任覃加耀他竄必將額勒登保福寧先行
革去花翎倘賊匪又在川境滋擾勾結卽將伊二
人從重治罪所有此次打仗陣亡之把總何應明
著咨部加等議卹又惠齡奏連日截剿沿江偷渡
賊匪情形所辦皆合機宜惠齡著賞給玉搬指玉

喜字牌大小荷包富成著賞給玉喜字牌大小荷包以示獎勵現在惠齡已前往石泉地方追剿賊匪其下游梅湖等處已知會柯藩加意巡防柯藩務須與秦承恩督率兵勇實力防範仍同李紹祖將上下游渡口分投堵禦毋使賊匪一名偷渡北竄爲要

初三日

戊辰

宜綿奏言賊匪王三槐等自經百祥

富爾賽等宛剿遂向營山之迴龍場一帶滋植
窺伺縣城該縣地勢平坦四面受敵先經

臣 全

總理糧運之同知淡士灝督同該署縣謝惟良
候補理問李忻教諭高汝儀署典史蔡光緒等
廣募鄉勇分門嚴守並派叅將李昌帶兵五百
名駐劄城外獅子嶺與城中遙爲犄角十三日
賊匪數千直逼營山一股圍攻李昌營盤一股

直撲縣城東門經淡士灝謝惟良等督率鄉勇
準備鎗礮暗藏垛口俟賊匪將近城壕一齊施
放轟斃多名其圍攻營盤之賊亦經李昌督兵
堵剿斃賊多名詎賊匪愈聚愈衆屢撲獅子嶺
營盤並圍繞城池放火吶喊而頂山場徐家場
兩路賊匪復又全夥竄至勢甚洶湧並搭竹梯
八十餘架扒越上城經淡士灝謝惟良等自城

上拋擲火彈悉行焚燒惟時

臣

又飛飭百祥等

挑選精壯兵勇裹帶乾糧星夜繞從小道前進

十五日卯刻該鎮等行抵距縣城五里之走馬

嶺賊匪分路前來迎拒我兵悉力剿殺城內官

兵亦分出衝擊相持三晝夜計鎗斃騎馬賊目

二名並指揮賊衆拒敵之大頭目一名賊匪二

千餘名我兵陣亡外委李政李喜登額外外委

卷之三
黨忠三員兵勇亦有傷損匪衆退至劉家溝復
分一股由大泥溪茶亭菴豐竇舖等處意欲搶
渡直撲蓬州適叅將蒲德遊擊沈宗文從保寧
一路帶兵趕到剿殺一百餘名匪衆折向營山
之黃渡河屯紮其白岩山一路經舒亮穆克登
阿由西山坪等處添拿營卡十二日五鼓霧雨
迷漫有賊匪數千前來分撲鄉勇營卡舒亮穆

克登阿飛派叅將烏爾卿額遊擊王霖等分帶
兵勇馳往截剿舒亮等親往策應烏爾卿額等
與賊接仗鄉勇亦出卡助陣舒亮等率領大隊
從旁衝入匪衆力難抵禦奪路潰逃我兵分投
截殺斃賊三四百人餘匪仍卽奔回白雲觀賊
巢委前鋒叅領岳廣護軍校牛德把總陳士英
外委謝明陞俱因奮勇殺賊被戕

臣

查黃渡河

一帶與巴州之江口達州之石橋河並渠縣之李家場等處毗連其江口一處先派叅將皂常保等帶領兵勇駐守石橋河一帶亦派知州劉清等督勇堵截

臣

現駐靜邊寺地方卽係路通

渠縣要隘惟有督飭該鎮等儘此兵力設法剿辦以冀迅擒首逆再侍衛祥金保前因病留楚醫治嗣聞惠齡等追賊到川該侍衛帶病趕至

夔州適惠齡等復帶兵赴陝祥金保見伊里布
帶兵剿辦奉節北岸鐵瓦寺賊匪路過夔州卽
懇伊里布代稟同往打仗尚非藉病逗遛臣因
帶兵需員准令隨同伊里布剿賊可否准令該
侍衛仍留川省軍營打仗出自

天恩

同日觀成劉君輔奏言查老木園山梁綿亘三

十餘里賊匪恃其險惡死守困鬪官兵連日進攻屢損兵力本月十二日有從賊巢逃出蔡象寧一名來營訊係大寧縣民人並未習教四月間被擄前去押令砍柴取水今乘空逃奔來營並稱賊首陳崇德因小青杠垭口被官兵奪佔卽率衆在老木園四圍山梁添設木城石卡晝夜守禦轎頂山一處三面陡坎料官兵難以搶

上祇留賊匪五六十人在彼把守等語

臣等隨

派兵勇紮縛木梯由彼進取十四日三鼓密派
遊擊朱進廷都司沈文同等各帶兵勇分路進

攻牽綴賊勢

臣

等卽於五鼓親督協領蘇勒芳

阿遊擊楊洪新並弁兵鄉勇等由蜈蚣嶺直攻
轎頂山防禦崇喜外委巴克唐阿首先帶領奮
力兵勇用木梯於峯尖石罅之中魚貫直上拋

擲火彈翻進木城連砍賊匪十餘人匪衆驚覺
抵死格鬪巴克唐阿受傷陣亡臣等督催官兵

繼進奮勇爭先將守卡賊匪五十餘名盡行殲
斃生擒賊匪一名卽將轎頂山奪佔額外外委
俱寬行營屯千總班第朋均受傷陣亡訊據活
賊裴雲相供陳崇德與衆頭目俱在老木園迤
南山頂周圍派小頭目帶領夥衆分段把守共

有木卡十三座俱堆積滾木擗石預備抵拒轎
頂山至巢穴有小路一條業已挖斷等語當將
該犯正法初六日接明亮德楞額奏咨會以所追
賊匪現從平利屬之鎮坪奔竄距大寧交界百
餘里恐與老木園合夥囑令嚴密防堵嗣據大
寧縣知縣鍾蓮稟稱平利竄匪萬餘已至鎮坪
小漁河一帶滋擾急需堵截臣等圍剿正在喫

緊兵力稍單不能分撥而大寧與平利道路分
歧有關緊要隨抽撥兵一百名鄉勇三百名飭
派千總朱映棠州判吳國鴻把總尹大雄外委
邵祥帶領馳赴西溪河構葉坪一碗泉雞心嶺
等處厚集該處義勇添設卡隘嚴行防堵續據
該員弁稟報初十一等日賊衆數千蜂擁前
來分路衝撲構葉坪雞心嶺卡隘經該員弁等

激勵兵勇竭力抵禦斃賊三百餘名擒獲賊馬

三匹賊匪已退竄平溪河一帶等語

臣

等復飭

該員弁等晝夜實力防堵自可不致竄合均奏

入

上命軍機大臣傳諭宜綿觀成曰此次宜綿督兵痛剿攻擾營山蓬州賊匪雖未擒獲首惡猶能以少擊衆殲斃多賊尚屬可嘉所有守城禦賊之談士

瀨謝惟良李圻高汝義蔡光緒甚爲出力俱著加
恩以應陞之缺陞用其白岩山賊匪攻撲營卡亦
經官兵分投截殺斃賊三四百人所辦亦好此次
打仗陣亡之岳廣等俱著咨部加等議卹宜綿一
路兵力無多而賊匪現在黃渡河一帶竄聚固應
督率官兵奮剿擒拿賊首若賊匪股數較多兵力
未能分擊亦不可稍涉冒昧惟當督兵防堵不使

賊匪蔓延他處佔據城治爲一要茲又發去餉銀四百萬兩軍需緊要不得不寬爲預備但自剿辦教匪以來先後撥發不下數千萬兩宜綿等務須趕緊剿辦撙節動支不可再有遷延坐食軍儲致糜帑項侍衛祥金保現已趕至奉節隨營打仗尚非藉病逗遛著留於軍營帶兵立功贖罪至老木園賊匪困守日久今僅將轎頂山賊卡奪獲未能攻

克賊巢擒獲首逆仍屬延緩觀成等務須知愧知
奮速擒渠逆毋得遲延干咎其打仗陣亡之巴克
唐阿等俱著咨部加等議卹

上諭內閣曰川省各路大兵彙集供支軍餉需用倍
繁自宜預爲籌備著於內庫撥銀四百萬兩仍令
直隸山西陝西各督撫照例遴委妥員分起迅速
解往備用

初五日

庚午

明亮德楞泰奏言賊匪在樹河口經

官兵截殺捨命逃竄分三路狂奔欲使官兵不

能併路追剿且皆山谷小道叢密深林據探路

弁兵報稱賊人竄過後多於路口堆積木石攔

塞復將澗道橋梁概行焚拆

臣

等察看路徑飭

令將弁兵丁分路窮追每路并派餘丁三四十

名在前開除道路搭蓋浮橋俾不致有阻滯自

十四日以後賽沖阿長春札爾杭阿等追剿由
樹河口竄渡顯子城一股十五日追至平溪河
賊入聞信急竄賽沖阿等復由嵐河老林至攔
江山跟蹤截殺一百餘名搜獲三十七名將賊
人逼向白沙河繖子坪一帶鎮臣木騰額副將
明善李文蔚等追剿由三溪子翻山竄逃一股
十七日追至魚洞子賊人見有官兵追入避匿

山溝林內幸其時積雪未融蹤跡可辨該鎮等
認明所在因山溝窄狹不便進攻當將兵丁分
堵前後用鎗礮擊斃賊四五十名次日餘賊
捨命衝出經該鎮等截擊計斃賊一百數十名
賊俱由口晒溪逼向緞子坪西遁臣等同興肇
達音泰副將德寧侍衛富僧德等先於樹河口
大樹河一帶逐一搜捕拿獲藏匿林洞內賊匪

郭長志等九十二名婦女幼孩二百四十六名
口遂於十五日早率兵追擊自打熊溪山頂竄
走一股十七日追至華龍山探知賊人因山口
陡仄兼多冰凌互相扶掖以行不能疾竄當於
各營內選派奮勇官兵及屯土兵丁五百餘名
各著草履多帶鎗箭前驅追捕其餘官兵繼進
策應該兵等連步直前自上壓剿斃賊百餘名

傾跌墮崖者亦多官兵於十九日追至繖子坪
正值賽沖阿木騰額等兩路先後兜擊前來賊
匪卽歸併一處前竄三路官兵亦卽會合臣等

察量該匪行蹤飄忽官兵正恐轉落賊後且紫
陽接壤川境不可不熟籌截擊先經知會烏爾
圖那遜圖桑阿帶領勁兵由興安大路前赴紫
陽一帶此時若能趕到正可迎擊臣等由小鎮

銀硃壩一路趕緊躡剿因恐大隊騾駝帳房經
行山僻仄徑未免遲滯概令留後惟裹帶餽糧
窮日前進以期迅速趕上痛加殲戮奏入

上命軍機大臣傳諭明亮德楞泰惠齡恒瑞慶成曰
明亮等於樹河口等處打仗得勝之後僅分路搜
剿敗逃餘匪其賊首姚之富李全齊王氏究竟是
分是合或已竄往何處摺內均未提及現在勁兵

健馬俱在明亮等一路非如他處兵力較單尚可
藉口全望伊二人直前進擊迅擒賊首若似此漫
無主見惟事追剿餘賊使有用勁兵又致奔走疲
乏豈不可惜明亮等屢次打仗殺賊尚爲出力是
以疊加恩獎今乃置正賊首於不問又幾爲宜綽
惠齡等之續捨其所急圖其所緩處處爲賊人牽
綴惟知隔數日以一奏搪塞大非朕屬望之意著

傳旨嚴行申飭此時烏爾圖那遜等已由興安前赴紫陽正可迎擊而惠齡恒瑞慶成亦在石泉漢中一帶皆當察探賊首所在奮力截拿不拘何路能將姚之富李全齊王氏拿獲卽係何路帶兵大員之功不可不倍加奮勉也

初八日

癸酉

額勒登保福寧奏言軍加糧一犯率

其敗殘餘衆亡命奔逃

臣

等連日督率巴圖魯

侍衛將領等晝夜窮追賊匪於石柱廳萬縣邊
界之蘿蔔店三岔溪等處折竄湖北利川之杉
木根十字路一帶我兵於十八日午後趕至十
字路正值賊匪在各村莊掠食臣等率同綸布
春等分爲兩路上山兜剿追趕二十餘里斬戮
計四百餘人生擒覃多倫等三十五犯割獻首
級內有蓄髮首級一顆當令活犯等識認僉稱

係軍師張馴龍首級林之華等起事時是他主
謀俱呼他爲龍先生令我等見他磕頭衆人說
他有法術認得天上星宿等語當卽分別凌遲
正法此次頭等侍衛烏爾呼諾因箭已射盡奪
取賊矛擊刺復殺賊二名被賊矛戳傷左腿把
總呂廷貴亦受矛傷十九日五鼓臣等復卽督
兵前進二十日於黔江地界之盤蛇溪曹家壩

二仙岩一帶又殺賊三百餘名生擒十八名副
將張持於二仙岩縱馬搶入賊隊被傷陣亡賊
匪俱向東北亂山中竄入咸豐縣地界二十二
日賊匪由小水坪尖山子隘口抗拒官兵臣等
督令將士盡力搶撲卽出尖山隘口追及賊尾
殲戮一百餘名而覃加耀尚在免脫臣等注意
先擒該犯每於剿賊時仰體

皇上網開一面大聲宣諭賊衆令其縛獻覃加耀免其死罪乃此等習教之人冥頑不靈仍固結不解卽生擒各犯無不兇悍察其就戮情狀亦無悔心可見罪惡貫盈難逃

國憲此時約計所有之賊不過二千餘名隨處詢同此一帶亦少脅從之衆再加剿殺定可殲除淨盡至隨_臣等打仗之兵祇有二千餘名晝夜

盡力趕賊行至百里至一百數十里不等兩月
以來並未停息均能不辭勞瘁然深山窮谷霧
雨不時上嶺下坡動輒數十里人力不齊在前
在後亦所不免二十四日追賊已至宣恩縣之
黃草壩小關口剋卽整兵進擊總兵張廷彥慶
溥等先經札飭帶兵由利川一路探蹤截剿想
卽日亦可來至宣恩地界會合將軍成德現已

帶兵在施南府城防護再臣等一路軍火糧餉

前經汪新派委糧道舒明阿專司辦運乃近日

臣等帶兵追賊逐日移營該道不能隨地供支

未免致有缺乏屢經札催杳無音信相應請

旨將舒明阿拔去花翎以示懲儆

同日奏承恩奏言查前股賊匪於本月二十三

四五等日連次攻撲西鄉縣城經在城文武員

天督率兵勇施放鎗礮奮力擊退賊匪現在城南數十里分屯窺伺恒瑞慶成已由洋縣渡江迎頭兜截惠齡在石泉途次亦卽渡過南岸馳往應援適臣前派赴洋縣防守之叅將槐他哈等在途聞信亦帶兵趕到縣城自可無虞其後股賊匪探聞現亦竄近西鄉邊界明亮德楞泰緊蹣賊蹤直前兜剿若前後兩股賊匪竄合一

處則惠齡恒瑞慶成攔剿於前明亮德楞泰兜
擊於後而索倫勁旅亦已趕緊前進計日可與
大兵會合軍威壯盛剿辦極易得手惟漢江道
路綿長此時上游水勢日淺可以蹕渡之處甚
多雖經柯藩田有成王支湧分帶兵勇逐段嚴
防但恐賊匪被剿緊急或陽爲攻撲縣城牽綴
官兵希圖伺隙偷渡

臣

已密行知會惠齡等一

體留心防範並飛札柯藩卽將紫陽迤東防江
兵丁全數移至石泉西鄉洋縣城固南鄭江岸
分布防堵臣復添派精練鄉勇馳赴西路偏僻
要口設法堵截以免疎虞

同日恒瑞慶成奏言臣等前自竹谿馳赴漢中

經過興安沿途留心探詢各股竄賊蹤跡方山
坪逸匪已向保寧所屬地方奔竄英善帶兵由

廣元前往距漢中漸遠惠齡所剿一股賊匪由紫陽竄入西鄉地方現離洋縣較近並接惠齡札知帶兵在江北石泉等處堵截但洋縣城固漢中均爲漢江上游灘多水淺處處可以涉渡

臣等加緊遄行兩晝夜由于午峪至渭門渡赴南岸在竄賊之前堵截途次西鄉邊界經前途哨弁拿獲探賊十三名詢係紫陽竄來賊匪據

供賊離西鄉已近此縣陝楚之人甚多四川地
方生疎不愿前往總欲渡江回鄉等語臣等若

改赴西鄉應援轉走東南倘賊匪聞官兵前往
竟由司渡河一路北竄我兵轉落賊後西北現

無截剿之兵必致擾及漢中且前過西鄉見該

縣城垣堅固兵勇尚多不致遽有他虞當於獲

賊內擇老弱者二三人放回諭知大兵卽日赴

西鄉應援使逆賊聞風驚逸不敢擾害縣治

臣

等遶赴司渡河扼要迎剿本月二十六日行次

沙潭坎地方探聞賊匪果由西鄉縣東竄至鐘

子山離司渡河甚近惟北去路徑叢雜恐賊分

股竄遁一面令總兵觀祥先將官兵分佈紫營

拿卡堵截

臣

恒瑞慶成卽帶巴圖魯侍衛江鼎

保邦等及奮勇將弁兵丁並有自甘省續調撤

拉爾回兵四百餘名經土都司韓光澤帶領前來情願隨同打仗行主神仙溝卽與賊遇約有萬餘蜂擁前來一日官兵張皇錯亂臣等督兵乘勢衝殺賊衆退上山梁持險抗拒我兵分投上攻勇氣百倍登時殺賊甚多賊衆紛紛奔回官兵搶上山梁忽見後路煙火甚大緣後起賊匪見前賊已被官兵截殺卽由小路遶出北竄

臣恒瑞仍督兵往來掩殺

臣

慶成卽分帶巴圖

魯侍衛等馳回截擊賊從後路遶出撞遇兵糧

駝馱正欲劫拾

適

臣

慶成帶兵趕到直前衝入

奮力殲殺斃賊徧地土都司韓光澤帶領撒拉

爾回兵殺賊尤多餘匪翻越山嶺竄回歸夥

臣

等復兩面併力痛加殲戮至昏暮始將兵剗住

次早探詢賊敗賊匪由罐子山合聚向東北洋

縣城固一路竄逸臣等各帶官兵又於七里溝

麻地灣韓家壩等處迎頭截殺賊匪數次捨命

衝突皆被官兵擊退復令步兵分布要路拿卡

臣等帶兵追殺三十餘里殲賊數百餘衆四散

奔逸臣等至二更始收兵回營仍飛差密探敗

賊竄蹤二十八日聞竄匪復結隊成羣自司渡

河西南山溝潛行北邊欲趨漢中大路弁兵及

撒拉爾回兵踴躍爭先星飛馳往於白廟崖高
峯溝等處遇賊大駭官兵不候齊隊分投殺入
賊衆亂竄復佔拒大山捨命力戰鎗礮之後繼
以木石侍衛將弁兵丁一鼓作氣攀援而上痛
加剿殺殲賊尤多敗匪復回原路統計二十六
七八三日共殺賊二千餘人生擒王廷基等五
百八十一名此次超衆奮勇千總李行正行營

千總馬世昌前鋒年得七十三俱受刀矛重傷

行營千總楊青山中矛傷陣亡

臣

慶成家奴川

兒跟隨打仗年餘此次亦中矛傷陣亡其餘弁

兵查明咨部詢明被脅之人分別發交地方官

查明保釋其從逆多日之賊概行凌遲梟示所

獲驛馬器械分賞出力兵丁及撒拉爾回兵等

以示鼓勵伏查此股賊匪既多陝楚之人不願

入川必思復圖潛折北竄司渡河爲漢中各路扼要

臣

等察探賊蹤尚復折而北竄卽當迎頭

截剿想惠齡之兵自必追躡賊蹤而來兼聞明

亮德楞泰所剿一股賊匪已由安康一帶向此

股奔竄其意亦似窺伺漢中

臣

等現已飛探務

將各股竄匪剿逼入川再與宜綿等各路之兵

卽於川境趕緊併力剿洗均奏入

上命軍機大臣傳諭宜綿明亮額勒登保德楞泰恒
瑞惠齡福寧秦承恩汪新曰額勒登保等仍任賊
匪復由萬縣折回咸豐宣恩地方不能將首逆覃
加耀擒獲僅殲戮並未著名之僞軍師張馴龍一
犯而摺內所稱分兵兜截剿殺連夜追趕等語全
屬空言可謂恬不知恥卽所稱此時約計所有之
賊不過二千餘名亦係飾詞著再傳旨嚴行申飭

副將張持因縱馬搶入賊隊陣亡殊爲可惜著咨部加等議卹至糧道舒明阿業已降旨革職拿問糧餉軍火爲軍行要務舒明阿不能隨時運送以致缺乏固有應得之罪但額勒登保等果能截住賊匪將首逆早擒亦何致賊匪忽往忽來官兵東追西擊使專司糧餉軍火之員不能確探軍營所在隨地運送額勒登保等旣知叅奏他人貽誤寧

不自知貽悞之咎耶況軍行糧隨豈可一日缺乏
額勒登保等既屢催不應自當及早叅奏另委幹
員辦理乃直待杳無音信始以一奏塞責亦屬遲
緩至汪新係湖北巡撫督辦軍火糧餉是其專責
既不能派委明幹道府大員分投妥辦又不能隨
時查察咎亦難辭汪新著傳旨嚴行申飭並著該
撫於前此簡發湖北道府內揀選妥幹之員奏補

糧道員缺卽令其接辦軍需嚴飭該員妥協辦理
以期源源接濟無悞軍行爲要又據恒瑞慶成奏
帶兵渡江在南岸司渡河等處截殺賊匪所辦俱
好恒瑞慶成俱著賞給玉喜字牌大小荷包土都
司韓光澤尤屬奮勇著賞戴花翎此次打仗之撒
拉爾回兵著賞給一月鹽菜口糧其陣亡千總楊
青山著加等議卹慶成家奴川兒跟隨打仗年餘

因殺賊奮勇受傷陣亡殊爲可惜亦著照陣亡兵
丁例議卹再據秦承恩奏明亮等所追賊匪現亦
竄近西鄉邊界明亮德楞泰旣緊躡賊蹤追剿而
惠齡亦卽渡過南岸迎擊又有恒瑞等在漢中要
路堵截賊首無從他逸明亮等務當乘此機會將
賊首姚之富李全齊王氏三人一併擒獲卽有零
星賊匪無難再事掃除佇盼擒渠捷音速至

上諭內閣曰額勒登保等叅奏糧道舒明阿辦理糧
運未能源源接濟軍火亦有缺乏現當剿捕賊匪
喫緊之時軍火糧運關係緊要舒明阿係派委專
管大員未能催趲供支殊屬怠玩著卽革職拿問
卽令汪新派委委員解京交軍機大臣會同刑部
嚴審定擬以示懲創

欽定剿平三省邪匪方略正編卷五十六

丁巳年

十一月十一日

丙子

宜綿奏言賊匪自竄至黃渡

河一帶分屯數十里飛飭百祥富爾賽等跟蹤

追剿十九日我兵進抵營山所屬之石山舖地

方忽有四五千人前來抗拒百祥等分路攻擊

斃賊二三百名賊匪相持不退復分一股翻山

折向儀隴

臣

隨飛派將備帶兵趕往援剿二十

日賊匪竟分三股攻撲儀隴縣城該縣知縣陳
嗣虞督率鄉勇竭力堵禦緣城垣低小賊匪拋
擲火彈入城延燒房舍居民正形惶急適官兵
赶到衝散縣治幸保無虞該匪等遂又折回黃
渡河向渠縣李家場一帶焚掠距靜邊寺二十
餘里臣隨儘帶營盤所有之兵督率總兵索費
英阿親臨前敵鎗箭並發斃賊多名維時石山

舖賊匪亦竄至官渡口冀圖窺伺蚊蟲溪糧臺
該處亦係達州後路轉運要區先經臣派叅將

趙宗濬帶兵三百名並飭站員照磨朱連陞圍

集鄉勇協同防護二十二三等日賊匪連次攻

撲糧臺均經趙宗濬朱連陞督率兵勇並鼓勵

本站人夫數千隨同堵剿計殺賊二百餘名生

擒尹文柄等二十一名我兵陣亡外委劉吉一

員匪衆卽分屯永興場三滙場一帶業已擾至
靜邊寺東面與石橋河切近其勢仍欲直趨達
州而自三滙以至渠縣僅九十餘里並與大竹
邊境毗連竊念達州爲糧餉總滙之地雖有副
都統勒禮善道員石作瑞帶兵防守但追賊官
兵約在賊匪屯聚之西北一面設或匪衆直趨
達州該處防兵甚單因卽酌留兵勇交索費英

阿防守靜邊寺一路臣自帶兵勇數百名繞道

馳至達州之文家梁駐劄以防賊匪折竄州城
並飛飭百祥等速帶原兵卽由石山鋪繞道前
赴渠縣大竹一帶偵探賊蹤迎頭截剿河州鎮
保興帶兵八百名已至保寧郡城該處距賊較
遠無須重兵防守亦卽飭令會同朱射斗由南
部一路進發與百祥等兩面夾擊並咨會英善

帶兵由廣元前進以爲策應其營山蓬州一帶間有零星餘匪已交富爾賽帶兵搜捕其白岩山一路現據舒亮穆克登阿知會該處賊匪因見官兵添拏營卡復於十六十七十八等日乘霧雨迷漫分撲蘆花嶺上馬墩余家壩龍盤鋪營卡冀圖逃竄俱經官兵奮力擊退計殺賊匪三百餘名護軍校德成額外委許建英均因殺

賊陣亡一俟霧氣稍開卽設法進攻

臣

復疊次

飭催再查奉節北岸賊匪前次竄至雲陽縣屬

鹿馬溪一帶經該縣知縣梁敦懷督率鄉勇併

力堵剿殲斃多名匪衆不敢由雲陽一路窺伺

遂闌入開縣屬東溪垵地方其勢欲與白岩山

賊匪合夥經知府朱爾漢督同知縣嵇承裕並

原任知縣陳寶田率領鄉勇馳赴東溪壩分路

攻擊十六十七等日連次與賊接仗斃賊二百
餘名生擒邱廣幅等十四名匪衆折竄石埡子
適總兵德齡徐昭德侍衛伊里布等由三寶山
黃草嶺分爲兩路跟蹤追到賊匪抗拒我兵分
投截殺斃賊百餘人匪衆捨命衝突遊擊王化
龍把總石得明王廷均因殺賊陣亡賊衆追至
馬家壩地方屯紮查此股賊匪據德齡等稟報

雖祇二千餘人而勢甚猖獗臣現飛飭總兵艾

如文卽帶原防雲陽一帶官兵趕往協剿迅速

撲滅

同日惠齡富成奏言臣等所帶官兵僅有三十

餘名現又分安沿江口岸未免益形短絀正在

設法通融適柯藩由水路來至石泉查賊匪旣

已盡竄上游所有下游防守之兵自當捲撤並

可將

臣

等分安口岸官兵撤回本隊以便趕緊

兜剿旋據探馬報稱賊匪數股分向南岸之銀

洞山楊樹桠茶鎮等處逃竄有直奔西鄉之勢

臣

等隨令副將李紹祖帶領原防紅石灘兵五

百名乘船前進

臣

等帶兵渡過南岸沿江追襲

在繪溪漁珊茶鎮等處斃賊八九十名及一二

百名不等生擒王之富劉漢傑等二十三名據

供王廷詔等總要過江逃往伏牛山一帶現聞
渭門江口防兵較少想衝突過去從五郎鎮安
往河南等語餘無要供當卽正法

臣

等飛催李

紹祖帶兵趕緊前往渭門防堵一面帶兵前進
途次接閱西鄉縣稟報頭起賊匪已至該縣屬
之堰口地方離城不遠業已就近稟請恒瑞慶
成發兵援應查恒瑞慶成等計程已過西鄉一

時恐難趕回臣等隨即渡江加緊行走二十五

日馳抵子午站又接該縣稟稱賊已逼近縣城
勢甚危急當令副都統銜六十七帶領馬隊官

兵連夜先行馳往救援臣等仍從渭門一帶先

後馳至西鄉縣詢知賊匪於二十三、四等日連

次撲城俱經該縣文在人等同遊擊張濯都司

神英傑等督率兵勇晝夜嚴防並用鎗礮擊斃

二十名賊少却退時有叅將槐他哈都司額爾
吉善帶兵五百名馳來救援賊復退回堰口屯
聚次日仍來撲城較前尤爲洶湧該縣等正在
竭力抵禦之時適六十七帶領馬隊趕到直前
衝擊賊匪不敢抗拒分向罐子山等處前竄文
在人與槐他哈等帶領兵勇遍處搜捕復殺斃
五十餘人生擒二十七人賊盡向西逃去查罐

子山迤西卽係前往漢中大路聞恒瑞慶成業
已帶兵迎頭截殺臣等正擬躡蹤兜剿適據探

馬報稱白沔峽一路又有大夥賊匪焚掠而來
離堰口亦不甚遠並接秦承恩來信明亮德楞
泰所剿賊匪已從瓦房店一帶前奔似欲追及
前匪以圖會合是現來之賊或卽此股臣等暫
將官兵在縣之東南黃草坡扼要紮住以防東

西兩路惟後來之賊爲數衆多臣等兵力較單

未便直前衝擊臣與富成各帶兵一千名於堰

口左右山林內分投埋伏并令六十七帶領馬

隊侍衛官兵於許家壩山梁屯住察探賊匪將

至卽帶兵繞出賊後轟擊二十九日未刻果見

賊衆紛紛自白沔峽奔向堰口其勢欲撲縣城

六十七待賊匪將已過半卽施放號礮帶領馬

隊衝下山梁我兵兩路埋伏齊出賊匪驚慌亂

竄^臣等趁勢掩擊將賊截爲數段殺賊無算生

擒李繼先等一百餘名時天已昏黑隨提訊獲

匪據供此股賊匪共有一萬多人係張姓劉姓

等帶領在鎮坪平利一帶屢被官兵剿殺分投

西竄前在瓦房店分爲兩起一從白沔峽山內

行走一從沿江逃來想要趕上前股之賊會合

逃過漢江好往河南等語臣等隨密派幹弁偵

探潰匪又復聚於縣南二十餘里之梭羅關喬

家壩等處臣等於四更齊隊臣惠齡由黃池法

竇前進臣富成由壩口東渡頭抄往三十日黎

明齊到見賊匪已有準備排站山梁我兵勇往

直前擊斃賊人甚多賊匪大敗向西奔逃臣等

帶兵追殺二十餘里隨路殲斃及生擒一百餘

名賊匪俱向大山深林紛竄查

臣

等連日所剿

兩股賊匪均向西北而逃察其蹤跡總在漢中

一帶現有恒瑞慶成等帶兵在彼截剿諒不致

有疎虞惟據賊供尚有沿江逃來一股賊匪不

日亦將到縣雖有明亮德榜泰追剿而

臣

等一

離此地無人阻遏賊鋒則西鄉倉庫城池居民

廬舍在在堪虞自不便輕於移動轉致顧彼失

此且使東股賊匪被明亮德楞泰擊竄前來有

臣等迎頭攔剿可收前後夾攻之益卽或西竄

之賊又被恒瑞慶成等剿敗折回臣等亦可隨

時截殺仍一面飛行知會柯藩在沿江一帶加

意防守並札致恒瑞慶成等扼要截殺一面知

會明亮德楞泰等相機籌辦以期互相策應均

奏入

上命軍機大臣傳諭宜綿恒瑞惠齡英善秦承恩曰
宜綿一路兵力無多伊又年老多病且已派勒保
前往接辦而宜綿仍能認真剿賊並不存觀望之
見此次調度將弁以少擊衆縣治糧臺俱能固守
不致被賊侵擾所辦實在可嘉宜綿及百祥索費
英柯富爾賽著賞給大小荷包陳嗣虞趙宗濬朱
連陞俱著咨部議敘陣亡外委劉吉著咨部加等

議卹朱爾漢梁懷亦著咨部議敘陣亡遊擊王
化龍把總石得弼王廷及護軍校德成額外委計
建英俱著咨部加等議卹又據惠齡等奏迎擊竄
匪馳抵西鄉保護縣城殺賊一千餘名所辦甚好
惠齡富成俱著賞大小荷包現在惠齡等因賊供
尚有沿江一股賊匪不日將到西鄉之語卽在該
縣駐守以防東西兩路竄匪所見誠是但川省需

兵甚急恒瑞慶成若留駐漢中聲勢不能聯絡自當移兵速由廣元一路赴川與宜綿併力合擊至漢中一帶文報往來無阻諒已無賊匪屯聚而惠齡富成現在西鄉相距漢中不遠卽著交惠齡富成在彼督率剿辦廣元地方爲秦蜀門戶棧道要隘仍著宜綿英善察看情形如賊匪離廣元已遠可以無虞英善自應帶兵援應宜綿一路倘尚恐

折回則英善仍當暫留廣元以資堵禦再賊有會
合逃過漢江前往河南之供此雖係牽掣官兵詭
計未可爲其所惑但漢江上游現當冬令水淺易
渡秦承恩柯藩務須督率實力嚴防不可恃賊匪
遠去稍有疎懈

十四日

已卯

額勒登保福寧奏言賊首覃加耀被

剿情急隨處奔竄二十六七八等日復由恩施

縣邊界之萬寨凌冰河泰山廟蓼葉湖一帶竄

至石灰窰我兵緊跟剿殺於石灰窰左右山梁

殺賊二百餘人二十九日賊又竄出建始縣邊

界之石子路枇杷塘過芭葉山奔竄臣等覓路

抄截三十日由金果坪松木坪等處前至陳塘

坳富家堰賊匪正在下坡臣等督令綸布春等

奮力追趕自申刻至傍晚沿山斬戮甚多是夜

賊又竄至簑箕荒麥莊濠口轉入黃柏山之四方臺自濠口至彼山徑俱係羊腸一線臣等於初一日帶兵跟蹤趕剿賊匪又從梯兒岩長嶺亂山中逃遁初二日復帶兵由笕箕灣上土地嶺桃子坪分路夾擊巴圖魯侍衛並各將領馳馬衝擊賊匪滾崖墮溝及斃於鎗箭者不下三百餘人酉刻餘賊復由白岩竄入朱里寨此二

帶係長陽縣地界在黃柏山之東相距七八十里峯嶺險峻官兵自在宣恩縣地界追賊七八日以來並未停息軍食軍火不能接濟鍋帳亦難趕到且此次追賊所過深山窮谷賊匪半由原路折竄居民屢遭焚掠盡皆躲避須於寫遠之處採買糧食甚屬艱難官兵等既不能飽餐風雪之中暫行止息亦多露處臣等隨時撫慰

官兵等雖尚知不辭勞瘁而其中凍病不能進
行及力不能到而落後者均所不免不得不暫
行駐營稍加整集此數日內所殺之賊約又有
六七百名先後官兵擒獲及民人搜獲解送之
竄匪謝國華等共七十三犯僉供覃加耀疲憊
已極目下並無附從及逼脅入夥之衆無路可
走所以仍復折回長陽等語當將該犯等正法

臣等俟兵力稍齊卽行趕緊合力剿辦自可卽擒首逆現在時值嚴寒兵丁衣履亦須添補並應用之軍火糧餉各項已一面移咨汪新飭屬趕辦

同日英善奏言接據宜綿來信以賊匪現在分股於保寧順慶一帶滋擾囑臣帶兵前進策應並連接保寧守城文武稟報探聞賊匪分爲數

起於南部營山儀隴等處焚掠並有奸細窺探
保寧郡城餉銀等項皆不能前進是保寧郡城
尤關緊要

臣

已將廣元城垣飭縣趕修完固鄉

勇亦募有一千餘名並留川兵二百名交叅將

徐南鵬帶領防守

臣

卽帶兵於本月二十八日

馳抵保寧民心畧爲鎮定並於南部等處拿獲

奸細屠槐敏李其秀何貴等訊係王三槐冉文

僞等遣出探聽官兵信息該匪約有一二萬人
現在分股由南部往營山蓬州渠縣一帶脅掠
居民入夥到處焚搶查營山賊匪連次攻撲縣
城因守禦甚嚴又經百祥富爾賽帶兵赴援連
次擊斃賊匪二千餘名賊始分股退去百祥富
爾賽因賊匪分股竄往永興場蚊蟲溪三匯林
場一帶卽帶兵馳往分剿其另股賊匪仍復折

回營山惟時保興業已帶兵到彼當卽奮力截
剿殺賊多名賊退至羅家壩黃渡河一帶屯紮
保興現已趕往剿辦朱射斗得信之後亦帶兵
趕赴羅家壩與保興會剿臣因差探此股賊匪
甚衆保興等兵力稍單又於所帶甘省兵內挑
選精壯兵丁五百名交將弁管領星馳前進策
應至保寧地方與通江巴州營山儀隴處處相

接且查羅家壩有小路可通保寧今保興等赴
彼截擊恐該匪等被剿情急卽由此路竄至保
寧臣現於扼要處所密爲預備以爲兩面夾擊
之計既可安保郡民心且可兼顧廣元棧道一
帶後路

同日明亮德楞泰惠齡奏言臣明亮德楞泰自

在華龍山繖子坪等處擊殺竄匪以後敗逃之

賊日夜狂奔

臣

等飭將官兵驟馱鍋帳概行留

後親率鎮將帶領奮勇兵丁裹帶餵糧由銀硃

壩一路漏夜進發十月二十八日趕至周家壩

追及賊蹤察看該處岡嶺重疊蹊徑交錯因與

興肇賽冲阿率領鎮將兵丁酌分四路以兩路

繞道抄出賊前兜擊以兩路自後追剿該匪分

據山梁捨命抗拒官兵爭先競進殲賊四五百

人生擒六十三名該匪力不能支俱由瓦房店

一路狂奔

臣

明亮德楞泰卽乘勝追至瓦房店

於空屋內搜獲冒充難民之劉宗梅等十七名

當飭隨營道府覆訊據供賊人連被官兵剿急

聞前股賊匪由五郎壩一帶西竄急欲趕上合

夥今日至瓦房店將人數畧爲齊集卽分兩股

由長嶺蜡溪壩等處奔竄等語當卽分別正法

一面派撥弁兵搜捕一面率兵進追初一日追至上高川探知惠齡等已帶兵馳抵西鄉其前竄一股業經攔頭截殺餘匪向西北敗竄因思此股賊匪被剿前竄正可與惠齡兩面夾擊

臣

等由撈魚壩連夜追剿當卽飛咨惠齡由黃草

坡迎擊初三日未刻

臣

明亮德楞泰由板廟子

將賊匪追殺至白沔峽正直

臣

惠齡同提臣富

成帶兵已自三郎舖一路迎剿前進賊匪後被

追擊前被截殺捨命衝撲其時臣明亮率同阿

哈保等由後剿絕其退路臣德楞泰率同賽

冲阿等繞出山後擊其中堅臣惠齡富成率領

六十七等迎頭剿殺攔截去路該匪前後衝突

官兵鎗擊箭射四面圍剿賊匪首尾不能相顧

官兵自未至酉愈剿愈力計斃賊一千餘名生

擒周仕登等二百餘名其時天色已晚餘匪乘

山霧四合之際穿匿深林

臣

等三路官兵分投

剿捕復搜獲王瑤等七十一名婦女幼孩四十

六名口其穿林逃遁餘匪約有數百名向西南

大山一帶分投亂竄

臣

等訊據活犯供稱此股

首逆齊王氏張漢潮等因見官兵連日擊斃頭

人甚多已先後逃入前股賊內俱向漢中一路

奔逃

臣

等因恐首逆正犯或乘間竄逸不可不

細加根究將該犯等隔別嚴鞫僉供大頭目等

均已會合前竄等語查此時東路安康紫陽石

泉一帶均已廓清各首逆俱歸入前股賊內由

西鄉向漢中一路竄走該處現有恒瑞慶成帶

兵堵剿兵力不充

臣

明亮德楞泰卽日由西鄉

司渡河一路進發

臣

惠齡富成卽日由西鄉沿

江一路進發其逃往南山等處餘匪已飛飭太平防守之道員李鉉遊擊劉大魁都司陳弼等將現帶分防兵勇一千七百餘名分佈要隘加意截拿并飭分防茶嶺一帶之署總兵田有成帶同叅將槐他哈移兵前赴南山及川省連界一帶逐一搜捕以冀一律俘擒

同日恒瑞慶成奏言_臣等前在司渡河痛剿竄

匪俱逃向西南漢山該處爲川陝交界北通城

固洋縣漢中

臣

等隨白司渡河抄出北面行次

平水黃灘河等處見西南村民避賊扶老攜幼

絡繹在道當卽派員逐加安置一面令總兵觀

祥副將德忠叅將涂登弼遊擊楊之震等帶領

步兵前進

臣

恒瑞慶成先率巴圖魯侍衛等及

馬隊弁兵馳往迎擊至毛垭子卽遇折回北竄

一股賊匪自溝內而來

臣

等督兵分頭衝擊賊

衆披靡奔竄兩傍山溝復有賊匪竄出經觀祥

等率兵施放連環鎗礮賊仍竄回漢山

臣

等帶領

馬隊驅馳追殺斃賊一千餘名是晚卽於北面

要路山梁紮營堵截據鄉勇程允升來營報稱

自司渡河回至罐子山復遇後來竄匪搶劫並

據被賊裹脅現在投出民人勾文義等所供賊

情均屬相符伏思惠齡所追一股賊匪係由紫陽西鄉至罐子山向西北折竄節經剿殺盡數竄入漢山今罐子山又有賊匪自係明亮德楞泰由鎮坪一帶剿敗之賊向前尋蹤合夥臣等現已帶兵馳抵漢郡以南扼要分佈拿卡防護仍分投飛探隨後各起竄匪就近迎頭截殺漢屬地方避賊民人正在驚怖之時一見官兵無

不懽慰陸續歸莊再汚縣寧羌一帶邊界漢水

發源灘溪乾涸

臣

等接惠齡來信現已帶兵進

至西鄉明亮德楞泰等亦緊躡賊蹤而來查紫

陽西鄉一帶重山疊阻路徑狹仄官兵難以趨

程逆行一面知會明亮德楞泰處撥派官兵卽

由北面洋縣城固平坦大路兼程趕赴沔寧二

路堵剿可期迅速并知會惠齡兼程馳赴漢中

一俟到來則漢郡一帶防護有資上等卽可抄
出西竄賊匪之前迎頭截擊均奏入

上命軍機大臣傳諭勒保宜綿明亮額勒登保德楞
泰惠齡福寧恒瑞英善曰額勒登保等前此已任
賊匪由萬縣折回咸豐宣恩地方今復由恩施建
始邊界轉入黃柏山之四方臺竄回長陽縣境仍
不能將首逆覃加耀擒獲僅殲賊六七百名實屬

無能已極所稱賊匪奔竄之處俱係羊腸山徑官兵跟蹤趕剿現在賊匪竄入朱里寨相距七八十里峯嶺險峻等語尤不成話此等教匪不過該處百姓其所過羊腸山徑豈能插翅飛越何以賊匪能往來奔竄而官兵總不能趕上截殺額勒登保等並不趕緊追剿轉以兵力疲乏不得不暫行駐營爲詞明係藉口爲落後貽誤地步尤屬全無天

良額勒登保福寧著再嚴行申飭若再有遲延或
任他竄必將額勒登保福寧從重治罪凜之慎之
又據英善奏馳赴保寧一帶分撥剿賊情形所辦
俱好現在英善帶兵駐劄保寧扼要地方既可保
護郡城且兼顧廣元棧道一帶後路不卽馳往宜
綿一路所見甚是但宜綿處現在兵力較單亦難
望其卽擒首逆惟當布置嚴密竭力防堵使賊匪

不致四出滋擾此爲最要至明亮等摺內所稱首
逆齊王氏張漢潮等大頭目均已會合前竄是首
逆數人已有實在下落覽奏畧慰明亮德楞泰著
各賞玉喜字牌大小荷包惠齡恒瑞興肇富成慶
成著各賞玉煙壺大小荷包賽沖阿阿哈保達音
泰觀祥著各賞玉搬指大小荷包以示鼓勵至漢
江上游冬令水涸而寧羌沔縣等處並無江水阻

隔恐賊匪被剿緊急向該處奔竄亦不可不豫爲
防範明亮等已知會柯藩速將下游防守官兵撤
赴上游節節防堵而寧羌沔縣等處又有英善在
扼要地方相機策應想賊匪等無從他逸明亮等
不可不倍加奮勉迅速會合兜截擒渠以副委任
又恒瑞等奏訊問鄉勇程允升供單內稱自司渡
河走至罐子山遇見賊匪步元德告知伊被賊拖

累不堪且現在賊匪中亦多有懊悔者因畏罪不敢投出並叫他兒子與伊識認將來託伊救他等語可見賊匪屢被官兵剿殺多有悔意祇因被賊迫脅不敢遽行投出今鄉勇程允升既與賊步元德相見認識明亮等當加以重賞卽令該鄉勇等設法招致或一面出示曉諭以爾等俱係愚民祇因爲賊匪誘逼隨同抗拒官兵雖爲王法所不宥

但果能真心悔罪或暗將賊首殲擒獻功或臨陣
反戈殺賊不但可免誅戮並當重加獎賞若始終
怙惡一經大兵圍剿必致全行洗蕩爾等生死攸
關不可不早知省悟如此明白曉諭再令程允升
設法誘間既可離間賊人亦可解散黨與是亦一
法再前曾諭知勒保令其沿途探聽如姚之富等
尚未就擒卽迅速馳赴明亮等一路督剿今據明

亮等奏各首逆俱竄入西鄉漢中一路現與惠齡等會合夾擊勒保務須倍加迅速兼程前往與明亮德楞泰等會合將陝境賊匪剿竣同赴川省則聲勢浩大無難將各處首夥匪犯以次殲擒也

臣等謹案天地以好生爲心聖王以至仁育物雖當詰戎除暴之時仍寓肆過宥罪之意自教匪滋事以來屢經

申諭帶兵大員隨時招撫曉以大義此次因恒瑞等
奏呈鄉勇供詞荷蒙

聖明指示復

命加之重賞諭令設法招致仰見

至誠惻怛之懷亟欲化瘡痍爲衽席乃愚頑匪衆卒

以怙惡不悛甘受誅滅其亦自外於

覆載生成之德者矣

二十日臣恒瑞慶成奏言臣等前自毛垭子截

剿賊匪後因漢中兵單卽馳赴洋縣城固一帶

扼要分佈拿卡堵截查各股竄匪接踵歸合一

路決意向北奔逃已知臣等之兵在適中要路

堵截不敢直來衝突乃於漢山東西僻徑分投

城固洋縣漢郡各路潛奔牽綴官兵希冀乘隙

竄逸臣等探知奸計處以鎮靜密遣侍衛江鼎

保邦及將官等分帶弁兵並漢興道文需添撥
熟悉山內捷徑兵勇引路前往處處邀擊過其
分竄之路連日各將弁帶兵殲賊不下數百人
始不敢復圖竄伺旋接據褒城縣稟報該縣南
界南壩黃官嶺等處有自漢山以西竄出賊匪
擾及伏思褒城爲雲棧咽喉北通西安大路
臣
等以所帶之兵未免力單正在籌辦間隨接秦

承恩來札已知會柯藩帶兵沿江趕赴漢郡並
聞明亮德楞泰惠齡等亦兼程進行早晚即可
趕到漢中一帶似可無虞臣等一面將現在賊情飛
札知會各路一面於初七日先行帶兵馳往褒
城南界迎擊行次長寨地方探得有賊一股竄
至黃沙舖滋擾人數不多該處亦係北通漢中
褒城最要之路隨於該處扎營拿卡復卽選帶

弁兵馳抵黃沙舖居民俱已逃避衆賊正在街

市搶掠官兵堵住要路臣等率侍衛弁兵縱馬

衝入鎗箭並發千總祝成龍首先鎗斃手持大

旗賊目一人驍騎校觀惠千總陳明前鋒富昌

下馬生擒放鎗抗拒之賊張學鵬等數名餘衆

紛紛亂奔皆被我兵內外夾攻殲獲無遺又有

後來接應之賊甫至山巔瞥見官兵圍殺鼠竄

逃回^臣等帶兵追捕查看賊蹤已遠仍卽過要

堵截現聞柯藩之兵已由城固而來離郡城不
遠一俟明亮德楞泰惠齡到來卽會商分路督
兵協力剿洗

同日英善奏言^臣因賊匪均向東南奔竄正擬

帶兵前進與宜綿會剿初九日接據通江縣稟
報陝西賊匪已分股越過大巴山離通江縣界

八里該縣現在督率兵勇於要隘處所堵禦

臣

一面酌抽弁兵前往協同防守一面咨會宜綿撥兵堵剿並札飭南江等處添募鄉勇於各隘口妥爲防範查保寧西北一帶如南江通江廣元等處在在與陝省相連兵力空虛現在各鎮所帶之兵於渠縣廣安營山等處分投剿賊尚覺不敷難以兼顧保郡一帶並接到宜綿知會

亦以保寧現在四面當衝最關緊要令臣於該

處相機堵剿以安川北一帶民心臣所帶兵除

派給保興一千五百名外僅存五百名不敷分

剿伏思恒瑞慶成屢奉

諭旨派赴川省會剿此時若能帶兵由寧羌廣元一

路前來於棧道更足資保護而川省賊匪亦可

不致蔓延是以復又飛咨恒瑞慶成迅速帶兵

前來

臣

惟就現在所存之兵隨時相機調撥扼

要防剿以顧保寧一帶地方俟恒瑞慶成有入

川之信卽馳赴前途與宜綿會商夾擊均奏入

上命軍機大臣傳諭勒保宜綿明亮德楞泰惠齡恒

瑞曰恒瑞慶成馳往褒城一帶將搶掠黃沙鋪賊

匪殲獲無遺仍帶兵扼要堵截棧道可保無虞所

辦尚好此時首逆歸併一夥向西鄉漢中一帶奔

竄明亮德楞泰與惠齡會合後卽分路進發自己
赶上賊匪正可與恒瑞慶成兩面夾攻何以未據
馳奏朕亦不忍加之催促但勁兵健馬俱在明亮
等軍營而黑龍江官兵月半前亦已早到且朕所
屬望者惟此一路聲勢浩大足以兜圍賊匪爲一
鼓殲擒之舉勉之望之再恒瑞等所稱在黃沙鋪
焚掠賊匪自卽係前股奔竄之賊又稱後來接應

之賊瞥見官兵圍殺竄回則明亮等正可迎頭截殺但賊情狡詐忽東忽西不過爲牽綴官兵之計明亮等總當探聽各首逆奔竄確蹤併力設法兜圍若賊匪仍前狡猾故留小頭目在後分投奔竄希圖分我兵力明亮等斷不可復蹈前轍祇知分路追剿在後零星之賊轉任首逆得以乘隙遠颺此爲最要又據英善奏保寧一帶兵力甚單已飛

咨恒瑞慶成帶兵迅往所慮亦是現在保寧等處
需兵甚急恒瑞慶成務當帶兵速由寧羌廣元一
路赴川不但可以策應英善幫門剿賊更可保護
棧道即使漢中西鄉賊匪向寧羌廣元奔竄恒瑞
等得信亦可折回迎頭截殺更爲得力也